


Proyecto di Golf Course basta leu



Den fin di siman DIARIO tuma nota con leu e proyecto di Golf na e cruzada Sasakiweg/Bubali ta caba. Postenan di luz gigantesco a ser poni na e sitio, cualnan ta garantiza un iluminacion total di e area aki den oranan di anochi. Trabaonan ta andando na un paso rapidisimo y pronto lo por spera caba e apertura oficial di e lugar di Golf aki.




DIARIO

E MATUTINO DI ARUBA

DIAMARS 26 MAART 1991

ABONADO PA LUNA AFL. 19,00 ** PA EJEMPLAR 0,80 AÑA10/No.3291

ARUBA LO HAYA UN DUMP MODERNO NA PARKIETENBOS



Entrante 25 di Maart, Algemene Bank Nederland N.V. ta expone pa un luna consecutivo pinturanan di e artistanan local Alida Martinez y Lydia Antonis. E cuadranan ta creacionnan al eleo, estilo realistico y sub realistico abstracto. Durante di un ceremonia cortico Menelio Leofstok, sub gerente di Algemene Bank a efectua apertura di e exposicion den e hal di e banco. Un y tur ta keda invita pa presencia e precioso obranan den e oficina principal di Algemene Bank situa den Caya Betico Croes. Aña pasa Philip Enterprises a organiza un evito nunca bisto pa loke ta trata e deporte di drag race esta "Intercontinental Challenge". Ta masha hopi auto di exterior a participa na e evento aki cu a haya un cobertura internacional. Recientemente DIARIO a ricibi e revista "Hot Rodding" y a keda impresionado cu e paginanan cu a ser dedica na e "Intercontinental Challenge" cu alavez ta un promocion enorme pa Aruba pa loke ta trata e deporte di drag race. Den e revista e fotografo Steve Reyes ta aplaudi e tremendo caredanan cu a tuma lugar ariba Aruba. Lesa pagina 15 pa un relato completo.